



## **ÁNRA TEAGAISC SA GHAEILGE I NDÁMH AN OIDEACHAIS**

### **AN ROINN UM OIDEACHAS TEANGA AGUS LÍTEARTHACHTA (Ceapachán ar Théarma Seasta 17 Mhí)**

#### **SAINCHUNTAS POIST Dualgais agus Téarmaí & Coinníollacha Fostaíochta**

## 1. RÉAMHRÁ

Is coláiste Caitliceach neamhspleách Oideachais agus Saorealaíon ar leibhéal ollscoile é Coláiste Mhuire gan Smál. Bunaíodh an Coláiste i 1898 agus tá ceangal acadúil idir é agus Ollscoil Luimnigh. Tá sé ar an institiúid ardoideachais is sine i Luimneach. Rinneadh fairsingiú mór ar an gColáiste le roinnt blianta anuas, agus tá méadú tagtha ar na cláir oideachais atá ar fáil sa Choláiste ar dhá champas bhreátha dá réir sin: campas i gcroílár Chathair Luimnigh agus campas eile i nDurlas, Co. Thiobraid Árann. Tá breis is 5,000 foghlaimeoir sa phobal ilghnéitheach mac léinn, agus tá deich gcinn de chláir chéime mar aon le réimse leathan clár iarchéime chomh fada le leibhéal na dochtúireachta á gcur ar fáil. Bíonn réimse leathan gníomhaíochtaí taighde acadúil ghairmiúil ar siúl ag an bhfoireann acadúil, agus is é an taighde sin atá mar bhonn agus mar thaca ag an teagasc agus ag an bhfoghlaím ar fad sa Choláiste.

Bíonn CMgS ag iarraidh a chuid mac léinn a ullmhú don sármhaitheas gairmiúil agus iad a spreagadh chun saol ratar iomlán a chaitheamh.

## 2. PRÓIFÍL AN IARRTHÓRA AGUS RAON FEIDHME AN PHOIST

Is mian le Coláiste Mhuire gan Smál Ánra Teagaisc sa Ghaeilge a cheapadh ar théarma seasta do thréimhse seacht mí dhéag.

Faoi láthair, soláthraíonn earnáil na Gaeilge den Roinn um Oideachas Teanga agus Litearthachta clár léinn i nGaeilge agus i dTeagasc na Gaeilge do mhic léinn ar chlár an B.Oid. agus MGO chomh maith leis an M. Oid. san Oideachas Lán-Ghaeilge agus Gaeltachta.

Tá ball dáimhe nuálaíoch agus tiomanta á lorg ag an Roinn um Oideachas Teanga agus Litearthachta chun dul i mbun teagaisc ar na cláir i nDámh an Oideachais. Feidhmeoidh an t-iarrthóir rathúil faoi stiúir Cheann Roinne an Roinn um Oideachas Teanga agus Litearthachta agus mar bhall den fhoireann atá ann cheana. I measc na ngníomhaíochtaí éagsúla cuirfidh sé/sí le teagasc agus le feitheoireacht sna cláir fhochéime agus iarchéime. Beidh dualgas ar an iarrthóir rathúil cabhair a thabhairt do mhic léinn a bhíonn ag teagasc i suímh lán-Ghaeilge.

Tá tábhacht ar leith ag baint le tiomantas do theagasc agus d'fhoghlaím ar ardchaighdeán i dtimpeallacht atá mac léinn-lárnach. Tá díograis maidir le feidhmiú i dtimpeallacht ildisciplíneach riachtanach. Ní mór don té a cheapfar fianaise a léiriú go bhfuil tiomantas láidir ann do shármhaitheas i dteagasc, i dtaighde agus i ngníomhaíocht léannta leanúnach.

Beidh freagrachtaí ar an duine a cheapfar i scríobh agus i labhairt na Gaeilge chomh maith le dualgais ghinearálta i réimse an oideachais ag leibhéal fhochéime agus iarchéime i nDámh an Oideachais. Beidh na gnéithe seo a leanas mar chuid de ról an Ánra Teagaisc: ábhair a ullmhú do chlár léinn; léachtaí, seimineáir agus ranganna teagaisc a sheachadadh; obair mheasúnaithe, scrúduithe i labhairt na Gaeilge ina measc; aiseolas a sholáthar do mhic léinn; obair riaracháin; comhordú ar ghníomhaíochtaí a bhaineann le teagasc; agus tacú le feitheoireacht a dhéanamh ar thionscail taighde fochéime. Beidh seachadadh ar líne i measc na ndualgas freisin.

**Cáilíochtaí & Scileanna Bunriachtanacha** (na scileanna sin nach mbeadh sé ar chumas an iarrthóra an post a dhéanamh dá n-uireasa. Ní chuirfear éinne ar an ngearrliosta mura bhfuil sé léirithe go soiléir san iarratas go bhfuil na cáilíochtaí seo aige/aici:

**Chun a bheith san áireamh don phost seo, beidh na cáilíochtaí seo a leanas ag iarrthóirí:**

- Tá iarchéim ábhartha ag leibhéal Máistir riachtanach nó cáilíocht ábhartha ag leibhéal Dochtúireachta inmhianaithe.
- Cáilíocht teagaisc atá aitheanta ag Comhairle Mhúinteoireachta na hÉireann agus taithí ábhartha trí bliana ar a laghad, a bhfuil dhá cheann acu ar a laghad ag múineadh i scoil;
- Cáilíocht acadúil ábhartha sa Ghaeilge le Gaeilge scríofa agus labhartha den scoth;
- Cur amach ar fhorbairtí comhaimseartha i réimse an oideachais ó pheirspictíochtaí teoiriciúla agus feidhmeacha;
- Fianaise maidir le hinniúlacht ábhair theagaisc a sheachadadh agus a dheardh i modhanna éagsúla, duine le duine, oideachas ar líne agus timpeallachtaí foghlama cumaiscthe ina measc;

- f) Scileanna eagrúcháin, idirphearsanta agus cumarsáide den scoth;
- g) Fianaise go bhfuiltear tiomanta do bheith ag obair i dtimpeallacht atá mac leinn-lárnach mar bhall d'fhoireann ildisciplíneach.

**Ní mór d'iarrthóirí a léiriú go soiléir ina n-iarratas conas mar a chomhlíonann siad na réamhriachtanais sin ar fad.**

*Tabhair faoi deara go bhféadfaí go mbeadh tionchar ag an mbeartas rialtais reatha ar athfhostú iarratasóirí a bhfuil pinsean earnála poiblí á fbáil acu faoi láthair.*

### **3. CUR SÍOS AR AN BPOST**

Beidh ar an té a cheapfar na dualgais a bhaineann leis an bpost a chomhlíonadh faoi stiúir ghinearálta Cheann Roinne an Roinn um Oideachas Teanga agus Litearthachta, dá dtuairiscíonn sé/sí chucu agus dá bhfuil sé/sí freagrach dóibh maidir le feidhmíocht na ndualgas sin ar an gcéad dul síos. Tuairisceoidh an té a cheapfar tríd an gCeann Roinne go dtí Déan an Oideachais, Uachtarán an Choláiste agus/nó Oifigigh eile an Choláiste mar a cheapann an tUachtarán ó am go ham.

Beidh ar an té a cheaptar idirchaidreamh a dhéanamh le Cinn Ranna agus leosiúd atá ag feidhmiú ag leibhéal na ceannaireachta/na bainistíochta laistigh de Dhámh an Oideachais, Déan an Oideachais agus le pearsanra eile an Choláiste agus le comhlachtaí Coláiste cuí chun na dualgais a bhaineann leis an bpost a chomhlíonadh. Sa chás go mbeadh dualgais ag teacht salach ar dhualgais agus ar fhreagrachtaí aon shealbhóirí poist eile sa Choláiste socróidh Uachtarán an Choláiste sin.

D'fhéadfaí athbhreithniú a dhéanamh ar an gcaidreamh tuairiscthe ó am go chéile, i gcomhréir le riachtanais agus le forbairtí seirbhíse sa Choláiste.

#### **Dualgais agus Freagrachtaí**

Seo a leanas na príomhdualgais a bhaineann leis an bpost:

- Modúil a theagasc trí mhodhanna léachta, seimineáir, teagasc, ceardlainne, ar líne agus foghlama cumaiscthe thar réimse de chlár ag leibhéal fochéime agus iarchéime;
- Straitéisí nuálacha teagaisc, foghlama agus measúnaithe a fhorbairt, modhanna seachadtha duine le duine, ar líne, cumaiscthe agus solúbtha ina measc;
- Dualgais riaracháin acadúla a chomhlíonadh agus a bheith rannpháirteach i gcruinnithe na Roinne agus in obair Dhámh an Oideachais agus grúpaí ábhartha eile sa Choláiste
- Freastal ar gach cruinniú de Bhoird Scrúduithe agus a bheith rannpháirteach iontu
- Páirt a ghlacadh i bhfeitheoireacht taighde ar chlár fochéime agus iarchéime;
- Comhairle a chur ar mhic léinn agus ar an bpobal foghlama níos leithne
- A bheith rannpháirteach i dtionscadail agus ar choistí ábhartha

Ní liosta iomlán é an liosta sin de na dualgais agus na freagrachtaí. Ní bhaineann feidhmiú réimse iomlán na ndualgas le haon duine amháin, mar éilítear leis an obair go mbeidh na baill foirne ag feidhmiú ar bhealach solúbtha agus go gcomhoibreoidh siad le chéile mar fhoireann. Coimeádann an Coláiste de cheart aige féin dualgais nua a shannadh agus/nó baill foirne a athshannadh ar réimsí eile den Choláiste mar fhreagairt ar riachtanais seirbhíse.

### **4. TÉARMAÍ AGUS COINNÍOLLACHA FOSTAÍOCHTA**

#### **Ginearálta**

Síneoidh gach fostaí conradh oiriúnach ina leagfar amach téarmaí agus coinníollacha na fostaíochta. Cuirtear cur síos ar an bpost ar fáil do gach iarratasóir, agus beidh an cur síos sin ina chuid de dhoiciméadúchán an chonartha.

## **Ionad oibre**

Is é Coláiste Mhuire gan Smál, Luimneach, ionad oibre an té a cheapfar cé go bhféadfadh sé go mbeadh riachtanas ann ó am go chéile cláir a sheachadadh ar ár gcampas i nDurlas. Coimeádann an Coláiste de cheart aige féin iarraidh ar an té sin dul ag obair in ionad eile.

Éilíonn an Coláiste go mbeidh an té a cheapfar ina c(h)ónaí laistigh d'achar réasúnta ón gColáiste. De bharr na srianta reatha um shláinte poiblí d'fhéadfadh sé go n-iarrfaí ar an té a cheaptar cuid dá gcuid oibre nó an obair ar fad a dhéanamh go cianda.

## **Eisiachas seirbhíse agus obair sheachtrach**

Éileofar ar an té a cheapfar lán a (h)airde agus a c(h)umais a thabhairt ar dhualgais an phoist i rith uaireanta oibre an Choláiste agus gníomhú ar mhaithe leis an gColáiste an t-am go léir. Dá bhrí sin, fad atá an té a cheapfar ag obair sa Choláiste, ní féidir leis/léi, gan cead i scríbhinn a fháil ón gColáiste roimh ré, a bheith rannpháirteach ná gabháil d'aon ghnó nó d'aon ghnóthas eile, go díreach nó go hindíreach, i gcás ina mbeidh sé sin nó i gcás inar dhócha go mbeadh sé sin ag teacht salach ar leas an Choláiste nó ar fheidhmíocht na ndualgas atá le comhlíonadh ag an té sin faoi na téarmaí fostaíochta.

Lasmuigh de léachtaí a thabhairt in áiteanna eile ó am go chéile, agus leabhair agus ábhair liteartha eile a scríobh ó am go chéile, ní dhéanfaidh an té a cheapfar, i rith na fostaíochta, aon obair sheachtrach ar íocaíocht mura bhfuil cead faighte aige/aici ón Leas-Uachtarán um Ghnóthaí Acadúla obair den saghas sin a dhéanamh de réir téarmaí agus coinníollacha a chomhaontófar don ghnóthas áirithe i gceist. I ngach cás, is faoin té a cheapfar atá sé cead roimh ré a lorg i scríbhinn ón Leas-Uachtarán um Ghnóthaí Acadúla. Is faoin té a cheapfar chomh maith, i ngach cás, a chur in iúl don duine nó don chomhlacht dá bhfuil an obair á déanamh go bhfuil an obair á déanamh i gcáil phríobháideach agus nach mbeidh an Coláiste freagrach as an obair sin in imthosca ar bith.

## **Tréimhse Phromhaidh**

Tá an ceapachán faoi réir tréimhse phromhaidh chaighdeánach 9 mí a chomhlíonadh go rathúil. Féadfar an tréimhse phromhaidh a shíneadh faoi rogha an Choláiste, ach ní bheidh an tréimhse níos faide ná 11 mhí i gcás ar bith. Cuirfear síneadh leis an tréimhse phromhaidh mar thoradh ar an mball foirne a bheith as láthair ón obair lena linn. Déanfar monatóireacht ar fheidhmíocht agus ar iompar i rith na tréimhse phromhaidh trí phróiseas cruinnithe measúnaithe. Beidh foirceannadh na fostaíochta sa tréimhse phromhaidh faoi rogha an Choláiste. Beidh leagan giorraithe den nós imeachta smachta i bhfeidhm i gcás fostaithe atá ar promhadh agus atá fostaithe ag an gColáiste le níos lú ná 12 mhí.

## **Uaireanta Oibre**

39 uair an chloig sa tseachtain nó 7.8 uair an chloig sa lá, ó Luan go hAoine, a bheidh sa ghnáthsheachtain oibre. Beifear ag súil go mbeidh tú i láthair de ghnáth agus ar fáil do bhaill foirne agus do mhic léinn araon i rith ghnáthuaireanta an Choláiste ó Luan go hAoine. D'fhéadfadh sé go n-iarrfaí ar an te a cheaptar obair istoíche agus ag an deireadh seachtaine ó am go ham.

Tá sé de dhualgas ar bhaill foirne acadúla seoladh ríomhphoist CMgS a thabhairt do mhic léinn ar ar féidir teagmháil a dhéanamh leo. Is gá dóibh chomh maith uimhir theileafóin a thabhairt d'Údaráis an Choláiste ar ar féidir teagmháil a dhéanamh leo lasmuigh den seimeastar. Mar sin féin, ní thabharfaidh Údaráis an Choláiste na huimhreacha teileafóin teagmhála sin do na mic léinn i gcás ar bith.

## **Tuarastal**

Tá an scála tuarastail don phost seo faofa ag an Roinn Oideachais agus Scileanna de réir Bheartas an Rialtais maidir le luach saothair san Earnáil Phoiblí. Féadfar an tuarastal bliantúil don phost a mhéadú nó a laghdú de réir Bheartas an Rialtais maidir le luach saothair san Earnáil Phoiblí. Ar aon dul le gach brainse eile den Státseirbhís agus den tSeirbhís Phoiblí, ní cheadaítear margáil aonair a dhéanamh chun méadú tuarastail a bhaint amach.

Déanfar an ceapachán ag pointe ar an scála tuarastail de réir bheartas pá reatha an Rialtais. Ar phointe iontrála ar an scála tuarastail a thosóidh iontrálaithe nua sa Státseirbhís nó san Earnáil Phoiblí mar atá sainithe i gCiorclán 18/2010.

Le feidhm ón 1 Deireadh Fómhair 2021, is é seo an scála tuarastail bhliantúil d'Ánra Teagaisc:

€31,355; €33,754; €34,666; €36,424; €37,531; €38,775; €39,943; €41,121; €42,442; €44,331;  
(10 bpointe)

Bronntar incrimintí de réir comhaontuithe náisiúnta pá.

Íocfar an tuarastal ar bhonn míosúil ar an 25ú lá de gach mí, nó ar an Aoine roimhe sin más ag an deireadh seachtaine a thiteann an 25ú lá, leis an tsaoráid Paypath. Tá íocaíocht tuarastal agus pá faoi réir asbhaintí reachtúla .i. Cáin Ioncaim (ÍMAT), Ranníocaíochtaí Aoisliúntais, Árachas Sóisialach Pá-Choibhneasa (ÁSPC), agus an Muirear Sóisialta Uilíoch (MSU).

### **Aoisliúntas**

Beidh ar iontrálaithe nua a cheapfar a bheith rannpháirteach sa Scéim Pinsean Seirbhíse Poiblí Aonair agus ranníocaíochtaí aoisliúntais a íoc ar na rátaí cuí de réir fhorálacha an Achta um Pinsin na Seirbhíse Poiblí (Scéim Aonair agus Forálacha Eile), 2012. Tá sonraí na scéime sin le fáil ar láithreán gréasáin an Choláiste.

Cuimsítear gach duine incháilithe eile le Scéim Pinsean na gColáistí Oideachais go huathoibríoch ar a gceapachán. I gcomhréir le Scéim Pinsean na gColáistí Oideachais, déantar asbhaintí dar luach 6.5% a bhaint den tuarastal. Tá sonraí ar na rialacháin a bhaineann le Scéim Pinsean na gColáistí Oideachais le fáil ó Oifig Acmhainní Daonna an Choláiste.

Ní bheidh aois scoir éigeantach ag daoine a chuir tús lena gcuid oibre sa tseirbhís phoiblí idir an 1 Aibreán 2004 agus an 31 Nollaig 2012 agus nach raibh sos fostaíochta acu de thréimhse ama níos faide ná sé mhí. 70 bliana an aois scoir éigeantach a bheidh ag gach duine eile a cheapfar.

Baill foirne nach bhfuil incháilithe ar Scéim Pinsean na gColáistí Oideachais ná ar Scéim Pinsean Seirbhíse Poiblí Aonair, féadfaidh siad leas a bhaint as Cuntas Coigiltis Scoir Pearsanta (PRSA). Tá soláthraí sainithe PRSA ainmnithe ag an gColáiste, agus ba cheart do bhaill foirne nach bhfuil incháilithe ar na scéimeanna thuas dul i dteagmháil leis an Oifig Airgeadais chun tuilleadh faisnéise a fháil ar PRSA.

Ceanglófar chomh maith ar an té a cheapfar Ranníocaíocht Aoisliúntais Bhreise (ASC) a íoc faoi fhorálacha an Achta um Pá agus Pinsin Seirbhísí Poiblí, 2017.

### **Saoire Bhliantúil**

Anuas ar laethanta saoire poiblí, ceadófar 20 lá oibre ar a laghad in aghaidh na bliana. Ba cheart saoire bhliantúil a ghlacadh nuair nach mbíonn mic léinn i láthair ar an gcampas, agus is gá don Bhainisteoir Líne ábhartha an tsaoire a fhaomhadh roimh ré.

Ceadaítear Laethanta Saoire Poiblí de réir fhorálacha an Achta um Eagrú Ama Oibre, 1997.

### **Saoire Bhreiteachta**

Féadfar pá breiteachta a cheadú d'fhostaithe a bhfuil fostaíocht leanúnach 3 mhí ar a laghad sa Choláiste acu faoi réir théarmaí Scéim Pá Breiteachta na Seirbhíse Poiblí. Bíonn pá breiteachta ag brath ar chomhoibriú iomlán agus ar chomhlíonadh iomlán nósanna imeachta an Choláiste chun asláithreacht a bhainistiú.

### **Foirceannadh Fostaíochta**

Féadfar éirí as an bpost seo ach fógra trí mhí féilire ar a laghad a thabhairt i scríbhinn. Ar fhoirceannadh na fostaíochta agus roimh dóibh an Choláiste a fhágáil, ní mór do bhaill foirne a thabhairt ar ais don Choláiste gach leabhar, tuarascáil, meabhrán, comhfhreagrás, páipéar, taifead, tuairisc, comhad lena n-áirítear sonraí i gcomhaid leictreonacha, diosca ríomhaire, diosca atá taifeadta go leictreonach, agus gach doiciméadúchán eile, agus gach maoin eile, lena n-áirítear eochracha oifigí, ar leis an gColáiste iad nó a bhaineann lena ghnó nó lena ghnóthaí atá i seilbh baill foirne nó faoina c(h)úram nuair a dhéantar an fhostaíocht a fhoirceannadh.

## **Rúndacht**

Le linn dó/dí a bheith ag obair i gColáiste Mhuire gan Smál, d'fhéadfaí go mbeadh rochtain ag an té a cheapfar ar fhaisnéis, nó d'fhéadfaí go gcloisfeadh sé/sí faisnéis, maidir le baill foirne agus/nó mic léinn agus/nó feidhmiú agus gnó an Choláiste. Meastar gur faisnéis rúnda atá in aon fhaisnéis, lena n-áirítear aon ghné de fhreagrachtaí nó d'fheidhmíochtaí an Choláiste, a fhaightear le linn na fostaíochta sa Choláiste. Ní fhéadfar faisnéis a bhaineann le mic léinn, baill foirne nó gnó ar bith eile den Choláiste a nochtadh ná a phlé ar chuntar ar bith ach amháin i bhfeidhmiú na ngnáthdhualgas agus ní chuirfear an fhaisnéis sin in iúl do thríú páirtithe mura bhfuil údarás ann é sin a dhéanamh. Ina theannta sin, ní fhéadfar taifid a fhágáil sa chaoi is go bhféadfadh daoine neamhúdaraithe iad a rochtain agus is gá taifid a choimeád go slán sábháilte nuair nach mbíonn siad ag teastáil a thuilleadh.

## **Sláinte & Sábháilteacht**

Tá sábháilteacht, sláinte agus leas na bhfostaithe ríthábhachtach ar fad do Choláiste Mhuire gan Smál. Tá sé de dhualgas ar gach fostaí cúram réasúnta a ghlacadh a s(h)láinte agus a s(h)ábháilteacht féin, agus sláinte agus sábháilteacht daoine eile, san ionad oibre a chosaint. Ní mór do gach fostaí cloí le gach beartas agus nós imeachta sláinte agus sábháilteachta atá i bhfeidhm i gColáiste Mhuire gan Smál, agus eolas a chur ar an Ráiteas Sábháilteachta.

Ní mór d'fhostaithe aon Trealamh Cosanta Pearsanta a thugtar dóibh a chaitheamh, agus ní chuirfidh duine ar bith isteach ar aon fhearas, éadaí cosanta nó trealamh eile a chuirtear ar fáil san ionad oibre chun críocha sláinte agus sábháilteachta, ná ní bhainfidh sé/sí mí-úsáid astu, d'aon turas ná go meargánta. Ceanglaítear go reachtúil/dlíthiúil ar fhostaithe a áirithiú go ndéantar aon timpiste/tarlúint a thuairisciú go pras don Oifigeach Sláinte agus Sábháilteachta ar Fhoirm Tuairiscithe CMgS ar Thimpiste/ar Tharlúint.

## **Beartais, Rialacha agus Rialacháin an Choláiste**

Fostóir eanála poiblí is ea an Coláiste agus tá sé faoi cheangal ag Comhaontuithe Náisiúnta. Ina theannta sin, tá sé faoi cheangal ag rialacháin, ciorcláin, agus treoracha a éisítear thar ceann an Rialtais ag an Roinn Airgeadais, ag an Roinn Oideachais agus Scileanna, agus ag an Údarás um Ard-Oideachas.

Bíonn fostaithe faoi réir fhorálacha an Chóid Iompair do Bhaill Foirne, bheartais, rialacha agus rialacháin an Choláiste i gcónaí. Áirítear leis na beartais sin ach gan a bheith teoranta dóibh Beartais Smachta agus Chasaoide, Dínit ag an Ionad Oibre, Rialacha agus Rialacháin Scrúdaithe, an Beartas maidir le hÚsáid Fhreagrach Ríomhairí, agus Úsáid Acmhainní Teicneolaíochta Faisnéise. Tá léargais ar na beartais go léir ar Thairseach Foirne an Choláiste d'fhostaithe an Choláiste. Ní mór do gach fostaí eolas a chur ar a bhfuil sna Beartais agus sna Nósanna Imeachta ar Thairseach Foirne an Choláiste. Tá cóip den Chód Iompair do Bhaill Foirne agus de na Beartais Smachta agus Chasaoide do Bhaill Foirne ag gabháil leis an ráiteas seo ar Thairseach an Choláiste.

## **PRÓISEAS IARRATAIS AGUS ROGHNÚCHÁIN**

### **Modh Roghnúcháin don Cheapachán**

#### *Gearrliostú*

Tiocfaidh sainghrúpa le chéile chun gearrliostú a dhéanamh de na hiarratasóirí, bunaithe ar critéir réamhdhearbhaithe.

*Is iad seo a leanas na critéir a úsáidfear chun iarrthóirí ar an bpost seo a ghearrliostú:*

- Tá iarchéim ábhartha ag leibhéal Máistir riachtanach nó cáilíocht ábhartha ag leibhéal Dochtúireachta inmhianaithe.
- Cáilíocht teagaisc atá aitheanta ag Comhairle Mhúinteoireachta na hÉireann agus taithe ábhartha trí bliana ar a laghad, a bhfuil dhá cheann acu ar a laghad ag múineadh i scoil;
- Cáilíocht acadúil ábhartha sa Ghaeilge le Gaeilge scríofa agus labhartha den scoth;

- Cur amach ar fhorbairtí comhaimseartha i réimse an oideachais ó pheirspictíochtaí teoiriciúla agus feidhmeacha;
- Fianaise maidir le hinniúlacht ábhair theagaisc a sheachadadh agus a dhearadh i modhanna éagsúla, duine le duine, oideachas ar líne agus timpeallachtaí foghlama cumaiscthe ina measc;

Is mó an líon iarratas a fhaightear ar phost ná an líon iarratas is gá chun an folúntas a líonadh go hiondúil. In ainneoin go bhféadfadh iarrthóir riachtanais incháilitheachta an chomórtais a chomhlíonadh, dá mbeadh an líon sin iarratas ar an bpost ann nach bhféadfaí go praiticiúil gach aon iarrthóir a chur faoi agallamh, d'fhéadfadh an Coláiste a chinneadh nach gcuirfí faoi agallamh ach líon áirithe iarrthóirí. Ní hionann é sin agus a rá nach bhfuil na hiarrthóirí eile oiriúnach don phost. Is é atá ann ná go bhfuil iarrthóirí áirithe ann agus dealraíonn sé, bunaithe ar a n-iarratas, go bhfuil siad níos cáilithe agus/nó go bhfuil taithí níos ábhartha acu. Mar sin, is den riachtanas é go gcinnteoidh gach aon iarratasóir go gcuirfidh sé/sí an fhaisnéis ábhartha go léir san iarratas agus go léireoidh sé/sí go soiléir conas mar a chomhlíonann sé/sí na critéir atá sainithe don phost.

### *Agallamh*

Déanfaidh Bord Agallaimh moladh maidir leis an gceapachán. Déanfar an ceapachán bunaithe ar an moladh sin, ach amháin sa chás ina n-éilítear a mhalairt mar thoradh ar chúinsí sláinte nó cuntas teiste mí-oiriúnach i bhfostaíocht roimhe sin. Cuirfear painéal le chéile ónar féidir ceapacháin bhuana agus shealadacha a dhéanamh don phost seo mar Ánra Teagaisc sa Ghaeilge in nDámh an Oideachais fad a bheidh an painéal i bhfeidhm (12 mhí).

Ní mór d'iarrthóirí fianaise dhoiciméadach chúil a sholáthar ar an oiliúint agus ar an taithí ar fad atá acu, dar leo, má éilíonn an Coláiste a leithéid.

### **Scrúdú dochtúra**

D'fhéadfaí a iarraidh ar iarrthóirí rathúla, roimh a gceapachán, dul faoi scagthástáil sláinte réamhfhostaíochta chun na riachtanais maidir le sláinte a chomhlíonadh.

### **Grinnfhiosrúchán an Gharda Síochána**

Féadfar a cheangal ar iarratasóirí rathúla dul faoi ghrinnfhiosrúchán an Gharda Síochána. Cuirfear treoracha soiléire ar an bpróiseas sin ar fáil in am is i dtráth. Cuirfear as an áireamh don cheapachán iarratasóirí nach gcloíonn le riachtanais an Choláiste ina leith sin. Maidir le hiarratasóirí a raibh cónaí orthu lasmuigh d'Éirinn ar feadh tréimhse charnach 36 mhí nó níos mó agus iad 18 mbliana d'aois nó níos mó, ní mór dóibh Deimhniú Imréitigh a sholáthar ó na póilíní sa tír nó sna tíortha a raibh cónaí orthu. Tabhair faoi deara gur faoin iarratasóir atá sé aon chostas a bhaineann leis an bpróiseas sin a íoc.

### **Iarratas a dhéanamh**

Is gá iarratais a chlósáil. Ní ghlacfar le hiarratais atá scríofa de lámh. Ní ghlacfar le hiarratais atá neamhiomlán. Seolfar admháil ar iarratas laistigh de 2 lá oibre tar éis chur isteach an iarratais. Déan cinnte féachaint sa Turscar agus sa Dramhphost mar d'fhéadfadh sé tarlú go ndéanfaí an admháil a sheoladh ann bunaithe ar shainroghanna do chuntais ríomhphoist. Más rud é nach bhfaigheann tú admháil laistigh de 2 lá oibre tar éis an t-iarratas a chur isteach, déan teagmháil leis an Oifig Acmhainní Daonna trí ríomhphost a sheoladh chuig [hr@mic.ul.ie](mailto:hr@mic.ul.ie).

Tá foirmeacha iarratais don phost seo le fáil ar láithreán gréasáin Choláiste Mhuire gan Smál [www.mic.ul.ie/about-mic/vacancies](http://www.mic.ul.ie/about-mic/vacancies). Líon isteach an fhoirm iarratais ina hiomláine agus seol isteach í chuig [recruitment@mic.ul.ie](mailto:recruitment@mic.ul.ie) agus **Ánra Teagaisc sa Ghaeilge in nDámh an Oideachais** mar ábhar ann tráth faoin:

**2i.n., 17 Mí na Nollag 2021.**

**Ní ghlacfar** le hiarratais dheireanacha.

Ní bheidh an Coláiste freagrach as aon chostais, costais taistil san áireamh, a thabhaíonn iarrthóirí i dtaca lena n-iarratas.

Dícháileofar iarrthóirí de bharr canbhasála. Dícháileofar ón gcomórtas aon iarrthóir a dhéanfaidh iarracht, go pearsanta nó trí aon duine eile ag gníomhú ar a s(h)on, canbhasáil nó dul i bhfeidhm ar bhealach eile ar thoradh an phróisis roghnúcháin/agallaimh i bhfabhar dó/di féin. Tabharfar neamhaird ar aon aighneachtaí a dhéanfar ar son iarrthóra i ngan fhios dó/di.

Is fostóir combhionannas deiseanna é Coláiste Mhuire gan Smál. Bronnadh dámhachtain Institiúid Cré-umha Athena SWAN ar Choláiste Mhuire gan Smál mar aitheantas dár dtiomantas combhionannas agus deiseanna a chur chun cinn do chách san ardoideachas.

***Samhain 2021***